



PSALMO LXXVI.

*Deus in sancto via tua: quis Deus magnus sicut Deus noster? tu es Deus qui facis mirabilia.*

SAPIENTIÆ CAP. XIII.

*Tua, PATER, PROVIDENTIA gubernat: quoniam dedisti et in mari viam, et inter fluctus semitam firmissimam, ostendens quoniam potens es ex omnibus saluare, etiam si sine arte aliquis adeat mare. Sed ut non essent vacua sapientiæ tuæ opera: propter hoc etiam et exiguo ligno credunt homines animas suas, & transeuntes mare per ratem liberati sunt.*

PSALMO LXXVI.

*Viderunt te aquæ Deus, viderunt te aquæ: et timuerunt, et turbatæ sunt abyssi.*

ISAIÆ. CAP. XL.

*Quis mensus est pugillo aquas, et cælos palmo ponderavit? quis appendit tribus digitis molem terræ, et librauit in pondere montes, et colles in statera? Quis adiunxit spiritum Domini? aut quis consiliarius eius fuit, et ostendit illi? Cum quo iunxit consilium, et instruxit eum, et docuit eum semitam iustitiæ, et erudiuit eum scientiam, et viam prudentiæ ostendit illi?*

PSALMO LXXVI.

*Illuxerunt corruscationes tuæ orbi terræ: commota est et contremuit terra.*